

Rok President  
Thomas S. Monson



# Piryeg bayay fare Kan Thothup ko Christmas

**F**a'aram e duw nap'an gag e elder nib fel' yang-reg, kan pinningeg nge reb e gidii' ngak e hospital u Salt Lake City ere rayog ningad pii' e taw'ath ngak e bitir kar ma'aar. Nap'an waered riy', kug saped e gak'iy ko Christmas ni bay e magal nib gael-gael mug saped e taw'ath ni kan 'iing utangin pa'angin. Kug waered u singil ni bay e bitir nib pagal nge pinn—boech kar chuweged e plaster cast ko pa' fa aay, reb ni bay e m'aar dani fel'rogon ni pap'ay—kar pinninged dad ko sminmin u oewchraed.

Ba bitir, boechi pagal ni kari ubchiya' e be pinningeg, “Mini' fithingam?”

Mug goeg fithingag ngak, me fith ngog, “Rayog ningam yibiliyeg?”

Kan pi' fare tawa'ath, ma nap'an ni gu chelgad ni ngug chuw gaed u to'oben e bet rok, me ga'ar, “Karimagar”

Kug guted in e tawo', ma aram mug rung'ag nibe to-lul, “Oh, Brother Monson, Merry Christmas ngom.” Me arame tingi' nib alamrin u oewchen.

Re pagal nem e bay fare kan thothup ko Christmas rok. Fare kan thothup ko Christmas e ban'nen gube athapeg ni ra paer rodad ulane gumiracha'dad nge la-neyafos rodad—gathi kemus ni ngiyal' ney u lane duw machane urngin e ngiyal' u lane duw.

Napan ni bay fare kan thothup ko Christmas rodad, ma be sulaen' daed Ngak e cha' nike sumni ngad mad-nomnog ko biney e ningyal' ko duw: “Re rran n'ey u lan

e binaw rok David e kan gargeleg e Tabyul romed, ni Kristus ni ir e Somol” (Luke 2:11).

U lane erran rodaed ma fare kan thothup ko rogon e pii' tawa'ath ni ngan pi' e ba ga'fan e ayuw ningad pugeran dad ngiyal' ne Christmas. Gube lemnog fa'-anra ngad fel' wa'athan dad nap'an ngad fithed, Magne tawa'ath ni en Somoel ra fith ngog ningu pii'ed Ngak fa bee' nap'an e bin thabi ga'fan ko ngiyal' u lane duw?

Rayog ningu ayuweg mug yip fan ni e Chitamang-daed nu Tharmiy e ba'adag ni rabagdad ma nge pii' Ngak nge Fak e tawa'ath ko mfol. Mug thamiy ni Irra fith ningad pii'daed ni dad chugownoged fa damomuwaed fa chamgaed, woed Ke pinning e Fak nib t'uf rok ulane fare Babyor ku Mormon:

“Ya rriyul', nriyul', ni gube yoeg ngomed, ni cha' ni bay fare lem ko togopluw rok' e gathi gamow, machane yow fare mo'oniyan', ni'ir. . . ma k'aring e damomuw nga lan gum'ircha'en e gidii' ni ngar togopluw gaed u fithik' e damomuw roraed ngoraed.

“Musap gaed, gathi ireray e machib rog, ni nggu k'aring e damomuw nga lan gum'ircha'en e gidii', ngar togopluw gaed ngoraed; machane ba'aray e machib rog, ni pin'en ni aray rogon e ngan pag i rin'. (3 Nephi 11:29–30).

U tiney erran nib ma'ang'ang ko e sulweg ko gubin ba'nen, e rogon kan bing ngodaed ningad t'ufeged mag pii'ed dad e dani tungun, machane rayog ninge tagaen'. Daba' ni bay e gum'racha' ningan manged fafalaen', thin

nib gol ni ngan yoeg, nge ya'el ningan thapeg.

Rebe bee' ni bay e nang fan marunga'gen e Kan Thothup ko Christmas ke yoloey:

*I gag en Kan Thothup ko Christmas—*

*Gube waen ulane e tabinaew ko gafgow, mug pinning  
e bitir nib wechwech oewchen ningar binged oewch-  
raed, mar falfalean'gaed.*

*Mug pinning e bee' nibe chugownog ninge bing pa' me  
yoloey roror e yang ko ya'el rok.*

*Mug pinning e labthir ningar fiked bayay fel' yangraed  
mar minmingaed ko rogon u kakrom nib faflaen'.*

*Mug pinning e t'ufeg ulane gum'racha'en bitir, mug  
pinning e magal ko mol ko lik'ay nib machmach.*

*Gube pinning e em ninge paer 'ko tawo nib talmor ni  
bay e wei ni kan sug, mug paged fel' gum'racha' ko  
tin nib fel' ko fayleng.*

*Gube gay rogon e mo'on kan malog ni nge soen ko ro-  
gon, nib tagaen' nge pii'ed nga gidii' nib t'ufeg e pow  
nib achigchig nira pinning maaf luwan— luwan  
nira thang e kirebaen'.*

*Bay gub ulane kalbus nib lumor, mug pinning u lani-  
yaen' ko pou'mon nib gafgow mug yip nga rran ni  
bay nib fel'.*

*Bay gub nib sapoechpoech ulane, e na'un nib wech  
wech ko amith, u lungun nib waer ningar noned  
mar rugraged u dariy' ringan, magaraen' nib fel'.*

*U miri'yay e rogon, Gube ngongoliy e fayleng nib  
wo'owaer ninge sapeg nga lang me guyed oewchen  
Got, nge ko boechi ngiyal' mar paged talin e tin nib  
achigchig nge kireb.*

*I gag fare Kan Thothup ko Christmas.<sup>1</sup>*

Rayog ningad piriyege bayay e kan thothup ko Christmas—arregon e Kan Thothup ku Kristus.

#### NOTE

1. E. C. Baird, "Christmas Spirit," u James S. Hewitt, ed., *Illustrations Unlimited* (1988), 81.

#### ROGON NI NGAN FIL KO BINEY E MULWOL

Nap'an ngam pii'ed e mulwol ko President Monson ngak e tabinaew, mu lemnog ngam puluw ko e duwer

ke fith marunga'agen mange taw'ath e Somoel ra fith ningam pii' Ngak fa reb ko ngiyal' ko duw ney. Pinning fapi chongin e tabinaew ningar yoloeyed e lem roraed (fa, ko bitir nib achigchig, ningar artnoge saysing) marunga'gen urrogon ni ngar "piriyege bayay e kan thothup ko Christmas— arregon e Kan Thothup ku Kristus."

## FAL' YANGREN

### Fare Bin Manechuboeg e Christmas Eve

Rok Jerie S. Jacobs

Nap'an kug ilal, e bin thabi' fel' ngiyal' ko gubin e duw i Christmas Eve. E tabinaew rog nge gag kug fi'leg e pizza, wun'ed e tang, mug mo'olung u ta'abang ko e Christmas devotional. Kug tangaed i angieg-yang mug wun'ed e tang ko boechi etalne musik. Papa' ma pii'ed e lem gubin e nep ko Christmas ni pinning map luwag nib faflaen'. Yafas de yaeni fel' ko Christmas Eve.

Nap'an kug ilal boech, nina rog ke tab'ab ninge chathowliy e yoror romow i, Kelly. Kelly ke yib nga na'un romaed gubn erran tomuren e skuul nap'an e nina rok, Patty, ke yaen ko muruwel. Kelly ke lekeg woed e chi kus—ga ringan ma tolul. Nib fel' nap'an Patty ke yib nge fek e bitir rok marchuw e tabinaew rog u fithik e gapas.

Rebe December, kug rus bachan e nina rog ke pinning Patty nge Kelly ningar undad ko Chrismat Eve. E Christmas Eve Rog. Nina ke sminmin nge pinning fel' laniyaen', "Dabi thiliyeg ban'en." Machane gumanang e tin riyul'. Yaed ra longoy guin e pizza romaed. Kelly ra sminmin ko tang romaed. Kug pageg ni bay yib e bin thabi kireb e Christmas u yafas rog.

Nap'an keb e nep, ke unmaed i Patty and Kelly, mug sabathindaed mug minmingaed mug tanggaed. Soeroek e nina' rog. Ri ba falel'. U lukngun e nep kar pinning magar ngog mar chuwig rog. Kug paged nga bet rog i sug gum'racha'eg. Kug piriyege ni fapi taw'ath nib gel puluwaen' ku Christmas e gathi manged echigchig nap'an kan pii'ed nga reb. Arragon i yad manged thibthib mar noemow nige nap'an kan pii'ed nga reb.



# Visting Teaching, a Muruwel ko Thapeg

*Mu fil e re n'ey, ma rogon nib mangil, mag weliy ko boech e walagey nib ppin ni gabe guy. Mu murwel ko pi duwer ni nge ayuweg nem ni nge gel nag e pi walagem nib ppin man fal'eg fare Relief Society e bang ko yafas rom nib mangil.*

Mich, Tabinaew, Ayuw

**V**isiting teaching ma bing e wo'en ngak fapi ppin ningar matangiye, chathowliye, mar filed reb—arregon aray e muruwel ko thapeg. Udakaen e visiting teaching, pi walageg nib ppin ra machib u foen Kristus mar ayuweged e ppin ko fapi taw'ath ko e yafas nib manemus.

“Thingar ningad ‘matangi, weliy’, ayuweg, mag fileg, mag pinningeg [reb] ningar baed ngak Kristus’ (Muguy ko D&C 20:59), woed ke yoed en Somoel ulane fapi yi'iy rok,” ke yoeg President Spencer W. Kimball (1895–1985). Nge bayay, ke yoeg, “E mich rom i'ir rib fel' e rogon.”<sup>1</sup>

Napa'n gadad e visiting teacher gelnog e nang fan ko tin riyul' ko gospel, e mich rodaed ra gel nag nge ayuweg fapi walagedad nib ppin nima taermedliye ko tawfe nge confirmation. Ngad ayuweged e chonggin nib be'ech ningar laeynog ko gospel. E mo'olung rodaed nge t'ufeg rodaed ra yaeni ayuweg “pinning bayay e gidii' ni ngar malogaed [nge] gay gwael nga fapi gum'ra-cha'en e gidii' kar olum ko gospel.”<sup>2</sup> Ngad ayuweg u laniyaen' fapi walagedad nib ppin ningar baed ngak Kristus udakaen e mo'olung u temple.

“Gimed ra thapeg e ya'el,” ke yoeg President Kimball ngak fapi visiting teachers, “nge mini' ra nang machane ni yo'or e gidii' nib fel' ulane Galasia daba' kar active gad bachane kam man ulane tabinaew roraed i kam pii' raed be'ech rogon ko yafas, be'ech e nang fan. Ngam fek i chuw e curtain. Ngam palog'nog e lane lang rom. . . .

“Ngam guye, i gimed gathi yigo' muruwilye e ayuw ko walagegmed nib ppin, machane ngam ayuweg fapi figirngin raed nge tabinaew roraed.”<sup>3</sup>

## Keb ko pi Chep nib Thothup

Muguy ko Doctrine and Covenants 20:59; 84:106; 138:56

## Cheppin Rodad

Napa'n e Profet Joseph Smith ke yarmiy e Relief Society, ke yoeg e ppin ra chathowliye e gidii' kar gafgowgad mar thapeg e ya'el. Ma fil e ppin u lane e Galasia ra ngongoliye e muruwel nib t'uf ko e kanawo' ko yafas nib manemus rok Got i Chitamandad ku Tharmiy.<sup>4</sup> Kan powiy'dad udakaen e likngin ni kan fili Profet Joseph Smith, gadad e walagedad i ppin ulane Relief

Society ra muruweled uta'abang ningad taermedliye fapi ppin nge tabinaew roraed ko bin thabi fel' e tawa'ath ku Got.

“Ngad gaye e t'ufeg u fithikdad,” ke yoeg President Brigham Young (1801–77), “me yog [e gidii' ni kar] gelnog ningar chathowliye nib gol e gidii' nib waer mar manged gel, me yog e gidii' ni guye ningar powiy'ed e gidii' kar bling mada' ko ngar guye rogreed.”<sup>5</sup>

## NOTES

1. Spencer W. Kimball, u lane *Daughters in My Kingdom: The History and Work of Relief Society* (2011), 116.
2. Eliza R. Snow, u lane *Daughters in My Kingdom*, 108.
3. Spencer W. Kimball, u lane *Daughters in My Kingdom*, 117.
4. Muguy ko Joseph Smith, u lane *Daughters in My Kingdom*, 171–72.
5. Brigham Young, u lane *Daughters in My Kingdom*, 107.

## Mange Rayog Nggu Rin?

**1.** Urregon e Relief Society ra taermedliye ko fapi tawa'ath ko yafos nib manechubog?

**2.** Mange rayog ninguu rrin' ninggu gay gel michaen' ko gidii' u rayog rog?

Ra tin ni ga ba adag ni ngam nang, man ko [www.reliefsociety.lds.org](http://www.reliefsociety.lds.org).